

列言上清錄事

玄師曰此皆玉清天將大神自號玉清靈寶赫奕之司輔翼玉清劫運改更滅魔掃災昇度學仙之子檢校三界制禦鬼爽搜究鬼營肅清道炁皆扶衛掃蕩之神也

已上正文皆元始天尊所降之令玉晨道君紀錄

五劫開化元洞玉歷章

真陽開化梵炁流通金闕在上玉府居東鬱結五文煥散九空妙炁自然蘊奧難窮三靈共貫萬聖攸宗參稽學行標紀真功形神俱契與道合同安鎮帝籙億劫无終昔混元溟滓大梵彌羅諸天未分九陽冥合三因九轉六變七徊元始肇

道藏輯要

度人經法

圭

九集七

形五劫初化乃命梵元祖晨道君筆錄天元運乘五劫故元洞者以名祖炁玉歷者紀乎天元劫運五周復歸其一自一炁化分三因成九若龍若蛇蟠曲九道漠漠无極總九陽祖炁之元

太上以三九運梵三五乘元合四十二炁以開始青天元祖炁明東方始青之元應九陽木王之初故東方得九炁以分天境劫號龍漢次九因重複陽炁開明赤文流光敷落五度開圖丹書

太上以三乘五三轉朱英合二十四炁以開南丹天元祖炁明南方丹光之元應三陽火王之初故南方得三炁以分天

境劫號赤明次復九因重積中黃化元天緯周躔梵元乘五
太上以五五三徊混陽十二合五十二炁以開中黃天元祖
炁明中靈黃華之元應五陽土王之初故中央得一十二炁
以分天境劫號上皇次九元復因素景肇陽七明煥梵五緯
乘天

太上以七五三乘合三十六炁以開素靈天元祖炁明西華
皓景之元應七陽金王之初故西方得七炁以分天境劫號
延康次復九因周竟混化歸本一炁肇明

太上以二五乘十三積元陽合三十炁以開北玄天元祖炁
明玄冥上景之元應一陽水王之初故北方得五炁以分天
境劫號開皇是以五劫既周昊天成象一炁混道八境流光
三積九乘八方開景八帝示形九霄分化故

元始天尊命天真皇人以玉歷紀元洞混化之初劫運流復
之本諸天分境結元洞正陽之炁爲玉歷以紀天真天民劫
運功積升退之道明九聖九品之階其諸玄祕別有九品仙
籙經具載其詳

五劫五炁

龍漢始青之炁

青

赤明丹光之炁

赤

上皇中靈之炁

黃

延康素華之炁

白

開皇元陽之炁

黑

東方玉字真文

龍漢始青玉歷寶章開九陽天元梵華炁
九陽迴妙炁三景散元精碧靄淨靈篆
青林粲淑英超遙玉清府遼邈蓬萊瀛
真化通无間神風滋萬生

南方玉字真文

赤明丹光玉歷寶章開三陽天元梵靈炁
浩劫開神運龍文泛赤霞八威奔電激
九鳳破兇邪鍊度丹皇室飛昇元始家
炎明常繼照靈慶集晨華

道藏輯要

度人經法

書

元集七

中央玉字真文

上皇中靈玉歷寶章開五陽天元梵寶炁
混黃生一炁感化結真形上德持柔順
含光洞杳冥建中該九極執本統三辰
煒燁天端上飛芒曜玉靈

西方玉字真文

延康素靈玉歷寶章開七陽天元梵英炁
皇老儲靈粹金精曜斗威六天咸馘滅
萬寶復幽微爽氣浮高闕寒光藹素輝
空同披玉勒華麗九霄飛

北方玉字真文

開皇之上玉歷寶章開一陽天元梵混炁
五炁符元妙諸天混太冥辰精飛羽黑
玉女散華青紫策封天寶之光涼帝庭
羣魔欽至化萬國保安甯

道藏輯要

度人經法

三

九集七
上